

Ճապոնական ավանդական երաժշտության միջոցառումներ Հայաստանում

2026թ. -ի հունիսի 13-ից 15-ը դեսպանության մշակութային ծրագրի շրջանակում Հայաստանում անցկացվել է ճապոնական ավանդական երաժշտության միջոցառումների շարք՝ տեղացի հանդիսատեսին ներկայացնելու ճապոնական երաժշտական մշակույթը և խթանելու Ճապոնիայի ու Հայաստանի միջև մշակութային փոխանակումը:

Հունիսի 13-ին Երևանի Կոմիտասի անվան կամերային երաժշտության տանը տեղի է ունեցել «Ճապոնիայից Հայաստան» խորագրով ճապոնական ավանդական երաժշտության համերգ: Ծրագրում հանդես են եկել ճապոնացի երաժիշտներ, այդ թվում՝ պարոն Ջումպեյ Օցուկան՝ շո գործիքով, որը զագակուի գործիք է և համարվում է Ճապոնիայի հնագույն ավանդական երաժշտական գործիքներից մեկը, պարոն Կոկի Նակամուրան՝ ցուգարու շամիսենով, ինչպես նաև պարուհի տիկին Յոշիկա Մավաիրիին՝ ճապոնական ավանդական պարով, և պարոն Տակահիրո Ակիբան՝ դաշնամուրով:


Համերգի կարևորագույն պահերից մեկը ճապոնացի և հայ երաժիշտների համատեղ ելույթն էր: Հայկական մեղեդիները հնչեցին ճապոնական գործիքներով՝ հայկական ավանդական գործիքների՝ դուդուկի ու քանոնի ուղեկցությամբ՝ ներկայացնելով երկու երկրների երաժշտական ավանդույթները մեկ ընդհանուր ծրագրում: Համատեղ ծրագրում ընդգրկված էին «Հոյ Նազան», «Նազանի և Բրոյի», «Ալագյազ և Խնկի ծառ» սիրված հայկական մեղեդիները, ինչպես նաև «Արքայադուստր Մոնոնոկե» անիմեից հայտնի սաունդթրեքը:

Համերգին ներկա էր շուրջ 450 հանդիսատես:

Հունիսի 14-ին Հիկարի կենտրոնում անցկացվեց ավելի փոքր համերգ, որը հնարավորություն ընձեռեց երեխաներին, երիտասարդներին և այլոց ծանոթանալ ճապոնական ավանդական երաժշտությանը:

Հունիսի 15-ին Ռոմանոս Մելիքյանի անվան պետական երաժշտական քոլեջում կազմակերպվեց ճապոնական ավանդական երաժշտությանը նվիրված դասախոսություն-համերգ: Ուսանողները ծանոթացան ճապոնական երաժշտական գործիքներին, դրանց պատմությանն ու առանձնահատկություններին, ինչպես նաև հնարավորություն ունեցան ինքնուրույն նվագելու փորձեր կատարել:

Միջոցառումները հայ հանդիսատեսին ճապոնական ավանդական երաժշտությունը ճանաչելու հնարավորություն ընձեռեցին և նպաստեցին Ճապոնիայի ու Հայաստանի միջև մշակութային փոխանակմանն ու փոխըմբռնմանը:



Շո երաժշտական գործիքի կատարում՝ պարոն Օցուկայի կողմից



Ավանդական ճապոնական պար՝ տիկին Մավաիրիի կատարմամբ



Յուզարու շամիսենի կատարում պարոն Նակամուրայի կողմից



Դաշնամուրային կատարում պարոն Ակիրայի կողմից



Ճապոնա-հայկական երաժշտական համագործակցություն



Հանդիսատեսը՝ Կոմիտասի կամերային երաժշտության տանը



Դեսպան Առկի Յուտական և տիկին Առկին ողջունում են հյուրերին



Խմբակային լուսանկար՝ Կոմիտասի կամերային երաժշտության տանը



Ճապոնական երաժշտության միջոցառում «Հիկարի» կենտրոնում



Ճապոնական երաժշտության միջոցառում «Հիկարի» կենտրոնում



Դասախոսություն-համերգ՝ Ռոմանոս Մելիքյանի անվան պետական երաժշտական քոլեջում



Խմբակային լուսանկար Ռոմանոս Մելիքյանի անվան պետական երաժշտական քոլեջի ուսանողների և դասախոսների հետ